

آبونه شرائطی : هر ایر ایچون
سنه لکی (۴۰۰) آلتی ایلنی
(۲۲۵) ، ممالک اجنبیه ایچون
سنه لکی (۴۰۰) ، آلتی آیلنی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیلر اعاده اولنماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

اتبعون اهدکم سبیل الرشاد

تذکره

آدره من تبدیلینده ایریجه
• غروش کوندرلملیدر .

مکتوبلرک امضالری واضح
و اوقوناقلی اولسی و آبونه
صره نومروسنی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندرلدیکی زمان نهیه
داثر اولدینی بیلدیرلسی
رجا اولنور

ملائیکه نظر نده بر قیمتی واردی. برچوق فعالیتلر یا کناه و یا ثواب دفتربنه یازیلیردی. بوکونکی ملی شعور سزده دونکی دینی شعور سزکی متیقظ و قیصقانیج اولوق مجبوریت نده در.

دیور. بو نه دیمکدر؟ (کنساء، ثواب دفتربلری) قالدیمی؟ (دونکی دینی شعور) نه دیمک؟ دارالفنونک شعباتی میاننده برده الهیات قسمی اولدینغی اونوتیورلرمی؟ (بوکونکی دینی شعوریمز) یوقی؟ بویله خفیف سوزلری شو، بو کیمسه لر سویله یه بیلیر. فقط بر دارالفنون امیندن دها آغیر باشلیق، دها زیاده بیطرفلق بکله نیر.

تأیید محتاج روایتلر

الهیات فاکولته سنک هم رئیس، هم ده تاریخ فقه مدرسی سید بک، اثنای درسده طلبه علومه تلقین ایتیش اولدینغی روایت حالتده دوران ایدن بر قسم سوزلری - سویله میه چکنه دلیل مقامنده - بوجه آتی نقل ایدیور:

۱۵ - فقهک صفحاتی اوچ قسمدر: اجتهاد، تخریج، تقلید. اجتهاده مجتهد شریعتده مجتهددر. او، کیمسه نک سوزینی دیکله من. مخرج مذهبده مجتهددر. او، تابع اولدینغی امامک سوزلرنده اجتهاد ایدر. مجتهد نصوص شرعیده بولامازسه، قیاسه مراجعت ایدر. فقط مخرج امامک سوزینی نظر اعتباره آلیر. مع مافیہ مخرجده بویوک ذاتدر. فقط دائماً هدفی اقوال امامدر. بناء علیه اجتهاد درجه سنده بر معلوماته مالک اولمقله برابر مقلد حکمنده در. مقلد ایسه، بویکی سنندن دها آشنای مرتبه در. او، نه نصوصه، نه ده اقوال امامه باقار. کتابی «قیل» لر ایله دولدورور. بو، منفور برشیدر، طریق جهلدر. فقط عجز برچوق علمایی بو طریقده سلوکه مجبور قیلمشدر. مع الاسف توقف و تقلید، اجتهاد دوره سنک انطفا سنه سبب اولمشدر. غریبه متأخرین دها بویوک و دها مترقیدر.

درتیوز سنه دنبری استانبولده بو قدر علما گلش کچمش، هپسی مقلد، مخرج بیله یوق. ملا خسرو لر، ابن کلالر مخرج دکلدلر. مقلدلر، هپسی قدما سوزیله استدلال ایدر، فلان بویله سویله مش دیر، فقط بنده بویله دیرم دیمز، بنا برین مقلددر. بوکون بن بر آوروپالینک کتابی، یاخود نظریه لریخی آلسهم «قیل» دییه رک «قوللر» قویسه م، سن بوکا بک اعلا اینانیرسک. قائل کیمندر؟ یا تقو، آفرده، الخ. فقط بو طوضریمیدر؟ بو علمی میدر؟ خیر.. بو علم دکل، جهلدر. بزم مقلدلرک جهل لری نه رغماً کتابلری تفاخرله طولودر. بزینچون کتابلر منی

مقاله سنده کی استنتاجات علمی سنک ده استنادکاهی برر چیتسادن فضله قیمت و رصاتی حائر دکل. یکریمی بش سنه اول بر خواجه طلبه سنی دوکش، طلبه خواجه سنه مقابله ده بولونمش... بو قدر جیلز بر حادثه دن او قدر معظم نتایج علمی استحصالی ایچون صرف اولونان امکاره آجینیر. بز، دارالفنون امینی هر هانکی مسئله اجتماعی نک تدقیقنده هر کسدن زیاده بیطرف و یوکسک نظر صاحبی کورمک ایسترز.

(دایاق) حقنده بر موضوع ایچون بویله یکریمی بش سنه اولکی بر حادثه دن استمداده قالدیشمقدن ایسه قره غوللرده و توقیف خانه لرده کی مظنونلرک حیاتی دارالفنون امینی ایچون دها اساسلی بر ساحة تدقیق اوله بیلیردی. یوقسه بوکون مکتبلرده دایاق مسئله سنک ماضی به عائد بر حکایه دن باشقه بر اهمیتی قالمشدر.

بک نادر اوله رق وقوعه کلن ضرب حادثه لری ده آنجق خواجه لری مؤاخذه ایچون بر وسیله اوله بیلیمکدن باشقه بر قیمتی حائر دکلد. هم اساساً سودلیجه مکتبنده کی حادثه نک اصلی ده بیلیمورز، بر معلمک برچوحنی اولدوره جک قدر دوکجه کی ده قولای قولای قبول اولونه بیلیر بر حادثه دکلد. بو قدر مناسبتر بر حرکتده بولونمق ایچون معلم دکل، حیوان اولوق ایجاب ایدر. خارجه دائماً تکرر ایتیمکده اولان بر حادثه، بیکده بر، مکتبه ده تحدت ایده بیلیر. بویله بک نادر اوله رق وقوعه کلن منفرد بر حادثه یی برچوق نفس صرفیه شیشیره رک هرکون تکرر ایدن حادثات شکله ارجاعه قالدیشمق عجبا بر موفقیت علمی میدر؟

برزمانلر اطفال مملکتک ولایت عمومیه سی موقعه کتیریلن بر معارف ناظری قیز مکتبلری کزه رک سجدیکی برکوزل قیزی نظارته دعوت ایتیش، اونک حال و خاطری صور دقدن صوکره فضیلت مکافاتنه ده مظهر ایتمشدی. شیمدی بونی بوتون معارف ناظرلرینه تشمیل ایدرک بومنفرد حادثه دن عمومی بر حکم می چیقارما من ایجاب ایدر؟

کذلک ینه دور سابقده بر مکتب مدیری ۱۷-۱۸ یاشنده کی قیزلری نیم عربان برحاله قویه رق صحنه یه چیقارمش، کنعان ایللرینه عائد بر او بونی تشمیل ایتدیرمش، بونی سیر ایتک اوزره ده معارف ارکانی دعوت ایتمشدی. شیمدی بونی بوتون مکتبلره تشمیل ایدرک بومنفرد حادثه دن عمومی بر حکم می چیقارما من ایجاب ایدر؟

سودلیجه ده کی حادثه ده - اگر صحیح ایسه - منفرد بر حادثه در. یکریمی بش سنه اول اوکا بکزر بر حادثه نک وقوعی ده دارالفنون امینی خاطر لایور. یکریمی بش سنه اول دکل، هر سنه اولسه ینه منفرد بر حادثه اولوق ماهیتی ضایع ایتز.

صوکره، ینه دارالفنون امین محترمی:

«دینی مدنیتده، زهدی حیاته ده هر فک، اک اوفاق بر حرکتک بیله

